

IKINYARWANDA
Itariki 20/06/2023
Isaha : saa munani-saa kumi
n'imwe(14h00-17h00)



IBIZAMINI BISOZA IGIHEMBWE CYA 3

IKICIRO:

RUSANGE CY'AMASHURI YISUMBUYE

UMWAKA WA:

MBERE (S1)

IGIHE KIMARA:

amasaha 3

AMANOTA:

..... / 100

AMABWIRIZA

1. Ntufungure iyi kayi y'ibibazo by'ikizamini utabiherewe uburenganzira.
2. Ikizamini kigizwe n'**ibibazo 20**. Mbere yo gutangira banza ugenzure niba ibyo bibazo byuzuye.
3. Ikizamini kigizwe n'ibice bine:
 - **Igice cya mbere:** Kumva no gusesengura umwandiko **(amanota 30)**
 - **Igice cya kabiri:** Ikkibonezamvugo **(amanota 25)**
 - **Igice cya gatatu :** Ubumenyi rusange bw'ururimi **(amanota 30)**
 - **Igice cya kane :** Ihangamwandiko **(amanota 15)**
4. Ibisubizo bigomba kuba bifututse kandi byuzuye.
5. Gusiribanga, guhindagura no guhuza ibisubizo na mugenzi wawe bifatwa nko gukopera cyangwa gukopezwa.
6. Koresha gusa ikaramu y'**ubururu** cyangwa y'**umukara**.

INKOMOKO Y'AMAKIMBIRANE

Amakimbirane ni ukutumvikana hagati y'umuntu n'undi cyangwa hagati y'itsinda n'irindi. Kutumva ibintu kimwe byahozeho kuva kera kandi ibyo birasanzwe mu mibanire y'abantu nyamara bibyara amakimbirane. Umuryango wagezemo amakimbirane uba ugize ingorane nyinshi kuko nta terambere ryongera kugerwaho. Aho gukora ngo biteze imbere cyangwa bateze imbere urwababyaye, birirwa mu matiku. Uko kutumvikana gushobora gutera impaka z'urudaca, amahane n'inzangano bikabona icyuho.

Kutumva ibintu kimwe ntibyakagombye kuba ikibazo ahubwo byakabaye inzira yo kugira ngo abantu bicare baganire bagere ku myanzuro ibateza imbere. Abahanga bavuga ko abantu baramutse bumva ibintu kimwe nta mpinduka zabaho. Amakimbirane avuka rero iyo hari abanze kuva ku izima bagatsimbarara ku bitekerezo byabo abandi na bo bikaba uko bakumva ko ibyabo ari byo bitunganye. Hari n'ubwo usanzwe azwiho kuvuga rikumvikana atanga igitekerezo kitakwemerwa akagira ngo baramurwanya. Ibyo na byo ariko ni imyumvire itakijyanye n'ihihe kuko nta muntu n'umwe wari ukwiye kumva ko ari kamara. Umunyarwanda yabivuze neza agira ati : "Inkingi imwe ntigera inzu".

Indi mpamvu na yo itoroshye mu zikurura amakimbirane ni ukutarangiriza ku gihe imirimo yuzuzanya. Mu bakorera hamwe nk'amashyirahamwe cyangwa inganda z'ubucuruzi, iyo umwe ashaka kwihutisha akazi undi akanebwa, biragoye ko abo bantu bombi bumvikana. Umwe ashobora gukenera ibyo undi yakoze kugira ngo abashe kunoza umurimo we. Iyo rero abitegereje igihe kirekire agaheba, bimwicira akazi akaba yagawa maze amakimbirane akavuka ubwo. Ariko na none abantu bagomba kumenya ko abakozi bose batagira imbaraga zingana.

Dufatire urugero ku bakozi bo mu ruganda rukora amagare. Umwe wenda akora amapine, uwa kabiri agakora amahembe nahoh uwa gatatu agasabwa guteranya igare ryose. None se uwanyuma najya guteranya igare ngo rigurishwe agasanga ukora ipine yabaye umunebwwe bizagenda bite ?

Akaga karenze ihaniro ni amakimbirane aturuka ku muyobozi ubwe iyo atangiye gutonesha bamwe. Gutonesha ni umuco mubi ukurura amakimbirine n'umwiryane mu babana mu muryango. Iyo ukuriye abandi atangiye gufata umwe cyangwa bake akabarutisha abandi, icyo gihe inyungu zitangira kwikubirwa na bamwe abandi basigaye bagacyura amara masa.

Ishyari na ryo abashakashatsi basanze riri mu bitera amakimbirane. Ishyari ritera umutima kutanyurwa. Iryo ryo ni ishyano rimwe ritagira gihanura kuko rihera mu bwana. Hari umwana ubona baguriye umuvandimwe we umwenda akamikwa. Babagurira inkweto bombi akagira ngo azitwarire zose. Zipfa kuba zidasa gusa ! Ntatekereza ko undi yaba asigariye aho. Ishyari rero ritera kutishimira ikiza kiri ku bandi, urifite akumva yahora ashimwa wenyine, bityo akagirana amakimbirane n'abandi.

IGICE CYA MBERE: KUMVA NO GUSESENGURA UMWANDIKO (amanota 30)

- 1) Andika ibintu bitatu bivugwa mu mwandiko bishobora gutera amakimbirane.
(amanota 3)
- 2) Tanga ingero eshatu (3) zerekana ingaruka zishobora kugera mu muryango kubera kutumvikana.
(amanota 3)
- 3) Uyu mwandiko uranenga iki muri rusange?
(amanota 3)
- 4) Rondora ibintu bine (4) bivugwa mu mwandiko bishobora kuba intandaro yinzangano mu bantu.
(amanota 4)
- 5) Garagaza indangagaciro nibura ebyiri zavuzwe mu mwandiko.
(amanota 2)
- 6) Iyo bavuze ngo: "Inkingi imwe ntigera inzu" baba bashatse kuvuga iki?
(amanota 2)
- 7) Abanyarwanda bavuga ko tutari ba miseke igoroye. Sobanura wifashishije umwandiko?
(amanota 2)
- 8) Ukurikije uyu mwandiko :
(amanota 6)
 - (a) Erekana ingaruka ebyiri zituruka ku ishyari.
 - (b) Garagaza uko wakwirinda amakimbirane ku ishuri.
 - (c) Ni iyihe nama umwanditsi arimo kugira abawusoma?
- 9) Andika amagambo ari mu mwandiko asobanura kimwe n'aya akurikira:
(amanota 5)
 - (a) Inzira cyangwa aho ikintu cyakwinjirira

- (b) Imvano, impamvu, inkomoko
- (c) Gukundwakaza, gukunda bamwe ukareka abandi
- (d) kwemera icyo wari wanze nyuma y'igihe kirekire
- (e) akagira ishyari

IGICE CYA KABIRI: IKIBONEZAMVUGO (amanota 25)

- 10) Andika ubwoko bw'amagambo atsindagiye: **(amanota 5)**
- (a) Hari abantu **benshi** batazi gutandukanya **ikiza** n'ikibi.
 - (b) Umugabo **mbwa** aseka imbohe.
 - (c) Ntiza **ikaramu** yo kwandikisha.
 - (d) **Wa** mugabo nababwiraga yagiye.
- 11) Garagaza uturemajambo tw'amagambo atsindagiye n'amategeko y'igenamajwi yubahirijwe mu mpine. **(amanota 9)**
- (a) Wa mwana natumye **igitabo** yaheze he?
 - (a) Imboga ni **zo** zitanga ibirinda indwara.
 - (b) Nabonye **imfizi** irisha mu rwuri.
 - (c) **Akebo** kaboshye neza kagura amafaranga menshi.
- 12) Simbuza “**nge**” na “**twe**” hanyuma ukore isanisha rikwiye. **(amanota 6)**
- Ubusanzwe nge sinkunda gutembera bwije. Ejobundi nagiye gusura inshuti yange ituye mu gacyamo. Turaganira bishyira kera.
- 13) Garagaza inteko z'amagambo atsindagiye mu nteruro zikurikira: **(amanota 3)**
- (a) Yatwakiranye umutima **mwiza** wuje **urugwiyo**.
 - (b) Umutima muhanano ntiwuzura **igituza**.
- 14) Tanga ibicumbi by'ibinyazina ngenera. **(amanota 2)**

IGICE CYA GATATU: UBUMENYI RUSANGE BW'URURIMI (amanota 30)

- 15) Andika ibiranga ibi bikurikira : **(amanota 7)**
- (a) Umuvugo
 - (b) umugani muremure
- 16) Ica ibisakuzo bikurikira : Sakwesakwe ! **(amanota 5)**
- (a) Ndaguteruye ndakwesa, urahindukira urandeba !
 - (b) Nubatse urugo hejuru y'urupfu !

- (c) Mpa umweru wanjye ngabire abana!
- (d) Nkeje Umwami wo mu kirere, angabira ibiryoshye!
- (e) Nkubuze sinabaho!

17) Tandukanya amagambo yandikwa atya ukurikije ubutinde bw'imirimo:

(amanota 6)

- (a) kuvura(kw'amata) ≠ (umurwayi)
- (b) gutara (amakuru) ≠ (ibitoki)
- (c) gufungura (kurya) ≠ (urugi)

18) Soma akandiko gakurikira maze usubize.

(amanota 6)

Ejo nishe ibibiribiri bibiri

None nishe ibibiribiri bibiri

Hari umugabo wo kwica ibibiribiri bibiri

Bya Nyirabibiribibiribiri.

- (a) Aka kandiko ni bwoko ki ?
- (b) Andika ibintu bitatu (3) biranga bene utwo twandiko.
- (c) Bene utwo twandiko dufite akahe kamaro?

19) Erekana akamaro k'umuyobozi w'ibiganiro mpaka.

(amanota 6)

IGICE CYA KANE: IHANGAMWANDIKO (amanota 15)

20) Hanga umwandiko ntekerezo utari munsi yimirongo makumyabiri (20) maze ugereranye uburyo bwo gutarama mu Rwanda rwa kera n'uko bikorwa muri iki ghe, unabitangeho ibitekerezo.



IKINYARWANDA UMWAKA WA MBERE W'AMASHURI YISUMBUYE

IMBONERA Y'IKOSORA

IGICE CYA MBERE: KUMVA NO GUSESENGURA UMWANDIKO (amanota 30)

- 1) Ibantu bivugwa mu mwandiko bishobora gutera amakimbirane: Kutumva ibantu kimwe, **(1)** kutava ku izima, **(1)** gutonesha, **(1)** ishyari **(amanota 3)**
- 2) Ingaruka zishobora kugera mu muryango kubera kutumvikana: nta terambere, **(1)** impaka z'urudaca, **(1)** guhora mu matiku, **(1)** amahane, inzangano **(amanota 3)**
- 3) Uyu mwandiko uranenga amakimbirane aba mu bantu kandi atari ngombwa, **(1)** umuco mubi wo kutoroherana **(1)** no kutababarirana **(1)** **(amanota 3)**
- 4) Ibantu bivugwa mu mwandiko bishobora kuba intandaro y'inzangano mu bantu: Kutababarirana **(1)**, kwitura inabi **(1)**, guhemuka **(1)**, kutoroherana **(1)**... **(amanota 4)**
- 5) Indangagaciro zavuzwe mu mwandiko: Indangagaciro y'ubworohere **(1)**, kumvikana n'abandi **(1)**, kwirinda gutonesha, gutega amatwi abandi... **(amanota 2)**
- 6) Iyo bavuze ngo: “Inkingi imwe ntigera inzu” baba bashatse kwerekana ko nta muntu umwe ku giti ke **(1)** wavuga ko yishoboye cyangwa yihagije **(1)**. **(amanota 2)**

7) Abanyarwanda bavuga ko tutari ba miseke igoroye baba bashatse kuvuga ko nta ntungane wabona **(1)**. Umuntu wese ashobora kugira amakosa. **(1)** **(amanota 2)**

8) Ukurikije uyu mwandiko : **(amanota 6)**

(a) Ingaruka zivugwa mu mwandiko zituruka ku ishyari: Kutishimira ikiza kiri ku bandi, **(1)** kumva ko uwo ari we wenyine wahora ashimwa**(1)**.

(b) Uko wakwirinda amakimbirane ku ishuri nyuma yo gusoma uyu mwandiko ni ukwimakaza umuco w'ubworohere*(1)* no kubabarirana. **(1)**

(c) Inama umwanditsi arimo kugira abawusoma ni ukujya bihanganira ababakoshereje **(1)** kuko na bo hari ubwo bajya bafudikira abandi. **(1)**

9) Amagambo ari mu mwandiko asobanura kimwe n'aya akurikira:**(amanota 5)**

(a) Inzira cyangwa aho ikintu cyakwinjirira: icyuho **(1)**

(b) Imvano, impamvu, inkomoko : intandaro **(1)**

(c) Gukundwakaza, gukunda bamwe ukareka abandi : gutonesha **(1)**

(d) kwemera icyo wari wanze nyuma y'ihe kirekire: kuva ku izima **(1)**

(e) akagira ishyari: akamikwa **(1)**

IGICE CYA KABIRI: IKIBONEZAMVUGO (amanota 25)

10) Ubwoko bw'amagambo atsindagiye:**(amanota 5)**

(a) benshi: ntera **(1)** ikibi: izina ntera **(1)**

(b) mbwa: igisantera **(1)**

(c) ikaramu: izina rusange **(1)**

(d) wa: lkinyazina nyerekwa **(1)**

11) Uturemajambo n'amategeko y'igenamajwi. **(amanota 9)**

(a) igitabo: i-ki-tabo **(1)** k→g/-GR**(1)**

(a) zo: zi-o**(1)** i→ø/-J**(1)**

(b) imfizi: i-n-pfizi **(1)** n→m/-f **(1)** p→ø/m-f **(1)**

(c) akebo: a- ka-ibo **(1)** a+i→ e **(1)**

12) Gusimbuza “**nge**” na “**twe**” no gukora isanisha rikwiye. (**amanota 6**)

Ubusanzwe **twe (1)** **ntidukunda (1)** gutembera bwije. Ejobundi **twagiye(1)** gusura inshuti **zazu(1)** **zituye(1)** / **yacu ituye** mu gacyamo. **Turaganira(1)** bishyira kera.

13) Inteko z'amagambo: (**amanota 3**)

- (a) mwiza nt.3 **(1)** urugwiro nt.11 **(1)**
(b) igituza: nt.7**(1)**

14) Ibinyazina ngenera bigira ibicumbi bikurikira: **-o (1)** **na -a (1)** (**amanota 2**)

IGICE CYA GATATU: UBUMENYI RUSANGE BW'URURIMI (amanota 30)

15) Ibiranga ibi bikurikira : (**amanota 7**)

- (a) Umuvugo : injyana, **(1)** ikeshamvugo, **(1)** imikarago, **(1)** imvugo ijimije **(1)**
(b) Umugani muremure : utangira na (kera) habayeho, **(1)** ukabamo amakabyankuru, **(1)**ugasozwa na « Si ge wahera » **(1)**

16) kwica ibisakuzo bikurikira : Sakwesakwe ! Soma ! (**amanota 5**)

- (a) Ndaguteruye ndakwesa, urahindukira urandeba ! Ubunyereri **(1)**
(a) Nubatse urugo hejuru y'urupfu ! Ubwato hejuru y'amazi **(1)**
(b) Mpa umweru wanje ngabire abana ! Amata **(1)**
(c) Nkeje Umwami wo mu kirere, angabira ibiryoshye! Inzuki **(1)**
(d) Nkubuze sinabaho! Umutwe **(1)**

17) Gutandukanya amagambo hakurikije ubutinde bw'imigemo:(**amanota 6**)

- (a) kuvura **(1)** ≠ kuvuura **(1)**
(b) gutaara **(1)** ≠ gutara **(1)**
(c) gufuungura **(1)** ≠ gufuunguuura **(1)**

18) Gusubiza ibikurikira: (**amanota 6**)

- (a) Aka kandiko ni amagorane **(1)**

- (b) Ibantu bitatu (3) biranga bene utwo twandiko : Amagorane arangwa n'interuro zubatse ku buryo amagambo azigize yenda gusa mu mivugirwe (1) kandi akagenda asimburana ku buryo kuvugishwa byoroshye. (1) Kuyavuga neza bisaba kugororokerwa mu bwonko. (1)
- (c) Bene utwo twandiko dufite akahe kamaro? Agamije guzoza umuntu gufata mu mutwe (1) no kudategwa mu magambo, (1) gutuma abantu basabana no kuruhura ubwonko
- 19) Akamaro k'umuyobozi w'ibiganiro mpaka:(amanota 6)
Umuyobozi w'ibiganiro mpaka :
Ni umuntu uba ushinzwe guhuza izo mpande zombi (1)
Ni we utangaza insanganyamatsiko (1)
agatanga umurongo ngenderwaho/amabwiriza (1)
Ni we kandi werekana ingufu n'imbaraga nke z'ibitekerezo bya buri ruhande (1)
afasha mu kumvikanisha impande zombi (1)
akanageza impande zombi ku mwanzuro (1)

IGICE CYA KANE: IHANGAMWANDIKO (amanota 15)

20) Guhangga umwandiko ntekerezo utari munsi yimirongo 20 :

Ibizitabwaho mu gukosora: (amanota 15)

- (a) **Imisusire (amanota 5)**
- Umutwe, intangiriro, igihimba, umusozo (amanota 2)
 - Umwanya iburyo n'ibumoso (inota 1)
 - Uburebure bwasabwe (inota 1)
 - Isuku (inota 1)
- (b) **ingingo n'ibisobanuro (amanota 10)**
- Intangiriro: igomba kuba ivuga ibigiye kuvugwaho (inota 1)
 - Igihimba: ingingo eshatu (3) n'ibisobanuro byazo (amanota 6)
 - Umwanzuro ugendanye n'umwandiko (inota 1)

- Amakosa y'emyandikire n'inozamvugo (amakosa 2 ahanirwa 0.5) (**inota 1**)
- Uruhererekane rw'ibitekerezo (**inota 1**)

Ingingo n'ibisobanuro byazo

Harasabwa ingingo eshatu zisobanuye:

Zimwe mu ngero z'ingingo zaherwaho mu guhangga umwandiko:

- Kera habagaho ibitaramo bitandukanye (igitaramo cy'umuryango, icy'umuganura, icy'uburere mboneragihugu, igitaramo njyarugamba na mvarugamba...)
- Kuri ubu usanga bimwe muri ibyo bitaramo byahuzaga abantu imbonankubone bigenda bihabwa imbaraga nke; ahubwo abantu bagahugira kuri za tereviziyo, amaterefone, imbuga nkoranyambaga...
- Cyokora hamwe na hamwe usanga bategura igitaramo mu muryango
- Ikindi gikorwa kuri ubu ni uko Leta muri gahunda iteganyiriza abaturage habamo n'izijyanye n'igitaramo: aha twavuga nk'igitaramo k'intore mu byiciro binyuranye by'itorero, akagoroba k'umuryango, igitaramo cy'umuganura